

تورک یوردی

ناشری : تورک یوردی

مدیری : آق چوره اوغلی یوسف

۱۳۳۰ صائی ۱۵ ۸ کانون نائی ۱۳۳۰ ییل ۳ جلد ۷ صائی ۷۵

استقلال معبدى

نهایت بوکون، قاراللق، دار وسفیل مغارهدن قورتولدق؛ اونک اسرارلى، ازل - مسدود وابدی کبی دوران ده میر قاپولرینی جسور برضربه ایله قیروب چیققدق . عصرلردنبری روحه خشیت، قلبه أسارت، غروره ذات ومسکنت ویرن، ویزی کور، سرسم بر قورقو ایله کندینه منقاد ایدهن بوزنجیرلری، باق، یالکمز برضربه قیردی؛ شیمدی نجات ورها نفسیله مسعود ومنشرح، غرور واستقلال معبدینه کیردک ..

بز، ذاتاً بومعبدک، بوتون حشمت وعظمتی، وسعت نامحدودیه روحه سماوی بر قدرت پروازویره، قلبی الهی بر نور ایله ایصیتان بوغزور واستقلال معبدینک پرتوکل وایمان، اصیل، اسکی عابدلری ایدک . صوکره، بیلمم نیچین ترک ایتدک. بر فورطنه، بر قاصیرغهی قوپدی، سیل می کجدی؟ یوقسه، بر ییلدیرمله همیز بردن منزل، مدهوش می اولدق؟. بیلمم نه دن، صوکره لری، تنها، ایصسز بر مغاره یه چکیلمش، اراده بر کسل وقتور عبادت ایدیوردق. آسمان، تضرع لر مزه آشنا ایدی، فقط بز، یکی بردینک واضعلری کبی هجری، قاراللق عبادتگاهلرده، دار وباصیق چاتیلر آلتنده کیزلی، قورقاق ومتردد عبادت ایدیوردق .

عمر منری ایزبه یرلرده، سردابلرده کچیردک ..

کیمدن قورقورددق؟ بو، براق، مائی سما ایله، بوتون عظمت وقدرتی، مدبدب خلقتیه روحه حشمت وغرور ویره بومعبد ایله، اولدن، روحمزه آشنالنی، ازی ار تباطی یوقیدی؟ بویوک بابالرمزى وقور بر اصلتک طبیعی حظ وغروریه یاشاتان، اعماق روحلرنده کی حس اعتلایی تهزیز ایدهن بومعبد دکلای ایدی؟. باشمز اوستندن کیم آلدی، بو معبدی، روحمزدن کیم اوزاقلاشدیردی؟

قلبمزدن یا شامق حرص وغرورینی، روحمزدن طبیعت پرستی نی، عشق اعتلایی کیم سیلیدی؟ واراقمزه کیم تحکم ایدیوردی؟. بزه، کیم تحکم

ایدی یوردی که، روحزده ایصسزلق، روحزده عجز و ناتوانی ایله تنها برکوشه به
چکیلیمش، مجتنب و محالسیز، دیزچوکه رک عبادت ایییوردق ... اذان سلر من
أطرافدن دویولماسین دییه قورق یوردق ؛ لکن ، الله ، سکا حمد و شکران
اولسون که قلمزده سنک ایمانک، قلمزده اجداد منک قانی واردی. وارلغمنک
ذراتنده یاشامق قوتی ، یاشامق آرزو و هوس قاینا یور و دامارلر منزده شعله
غرور یانیوردی .

منت و شکران سکا ربم، شیمدی مقدس برنجلی ایله افقزده برآن سکون
اولدی ؛ باشمز اوستنده کی بولو طار داغیلدی و دامارلر منزده یانان اصالت
چراغنی ، رهاکار و هدایتساز نورک ، ابدی برالتماع ایله تکرار پارلاتدی ...
قلمزک تختنده اویویان قان، یکیدن جانلاندی و فضاسنی کوردی ؛ بزه دیدی که :
— آفاق و مسافات سنک ، سنک وادی ظفرک در ؛ ای تورک ، قلق ،
سرایکه کیر ! . بوقویتو، بوقارا کلق، بوحقیر قوغوقدن چیق و یوکل آرتق ! .
یکی بر حیات ، مرد بر عزم وأملله ، بزه شیمدی دار و سفیل مفارم دن
چیقدق ؛ اسکی معبد منزه قاووشدق ، آرتق . . بوتون حشمت و عظمتی ،
بوتون وسعت نا محدودیله روحه سماوی بر قدرت پرواز ویرمن ، قلبی الهی
بر نور ایله ایصیتان بومعبد ، بزم اسکی معبد من ، اجداد منک معبدی ایدی .
چوق شکر ، یوزمزی سوردک طوبراغنه ! . شیمدی قلمزده لذت حیات ،
نشوه خلاصه رعشان و متوکل ، فقط ابدی بر عزم و ایمانله دیز چوکه رک
اللهه طاپینیورز .

بو کون ، او سیاه وراطب زنداندن چیقدق دن صوکر ، بن ، قلمده
درین بر وجد و استغراقله سرمست ، صانکه سبا بوتون یاریلتیلرینی ، بوتون
نور و حرارتنی روحه دوکدی . حیاتمه بو قدر نهایتسز بر محبت ، ازلی بر
سعادت دویمدم ... بو کون باشم یوکلک ، کوکسم و قور ، قوللرم عزیمکار
و آياقلم سربستدر ؛ بو کون استقلالک مستی آور ذوق و نشاطیله مغرورم .
شیمدی غرور خلاصی ، ذوق رهایی حس ایتدم . وسنه لر دنبری قائمه

طولاشان ، سنه لردنبری قائمه اویوشمش دوران اجدادمدن موروث حس
استقلالک معنای اصالتنی آکلادم.

سنه لردنبری ، غرورک آلامنی چکیور ، مرارت مغلوبیتله غرورک ماتمی
یاشایوردم ؛ اجدادمک ازی وابدی غالبیت دستانلری ، شان وظفر خاطرملریله
مباهی ، قلبده دولاشان قان ، غرور واستقلالمک ، خان برأل ایله تضییق
ایدیلن جهاز تنفسی آلنده کیزی ومعلول یاشیوردی. اجدادمک کور و آهین
سی ، بنده اعصار دیده برأنین تالم اولش ، روحده ایگله یوردی ...

فقط ، قلبمک قانایان جریحه لرنده برامید وایمان شعله سی ، غرور ملیمک
نه زیلن سینه سنده بر عصیان دالغہ سی ، بر نفرت وکین جوشش واردی .

شیمدی ، ایمانم پارلادی ، عصیانم طاشدی واونسکه ، کوزلر مدہ کی تورله
ظلمتی بیرتدم ، آلر مدہ کی قوتله زنجیرلری قیردم . آیاقلرمک سرعتیله ابعاد
ومسافتی آتلادم ؛ و ، معبدمه کیردم ؛ شیمدی بوراده استقلالک اصیل ونوشین
حظوظیله مسعود ، خلاص ونجات ضروریله یاشیور وتکریمه دعا ایدی یوردم .
افقلر وقطبلر نظرکاهم قرملر وده کیزلر سجده کاهم در ، آرتق .. بوراده ، افقلرک
قلب سرائرنی اوقویاجم ؛ پای عزیمله ، قرملر وده کیزلر اوستنده سیر وسجده
ایده جکم ؛ زنکین ، پرنشہ وحیات سسمده سہالرده عکس ایده جک ...

شیمدی ، بنم معبدم جهان در ؛ آرتق اسکی معبدمدہ ، اجدادمک معبد -
ندیم ؛ الله حمد وشکران اولسون که بوکا قاووشدیردی بی ..

شیمدی ، بنم معبدم توران در ؛ توران معبدینک قاپوسی شرق ، منبری
استانبول ، محرابی غرب در . وقبہ سی آسمان ..

بونو بیل ، ای تورک ، بیل وباشلا نمازیکه !..

۱۸ ایول ، ۱۳۳۰

مصطفی ضار